

《中国古典文学名著百部》

水经

◎ 北魏 酈道元



〔汉〕桑钦撰

水

经

水经方框对应字一览表

页码	对应文字(如果一页方框太多,按其出现的先后顺序排列)		
第 8 页	彪	第 11 页	迺
第 13 页	灌	第 22 页	漻
第 23 页	漻	第 25 页	漻 嶢 漻 漻
第 28 页	雋	第 30 页	緬
第 31 页	漻 雋		

《水 经》导读

《水经》是我国第一部记述全国范围内河川水系的专著。关于作者与成书年代,长时间来说法不一,争议颇多。酈道元的《水经注》采用对《水经》作注的形式,记述了自然地理与人文地理方面的丰富内容,但书中未提及《水经》作者。《隋书·经籍志》曰:“《水经》三卷,郭璞注”。《旧唐书·经籍志》中改“郭璞注”为“郭璞撰”,把郭璞说成作者。《唐六典·注》又写“桑钦《水经》”。《新唐书艺文志》则采上两说,称《水经》“桑钦撰”,又说“一作郭璞撰”。唐代杜佑的《通典》说《水经》时,指出不知作者,也不知写作年代。宋以后的著作多称汉代桑钦作。清代学者长于考证,阎若璩首先确认《水经》非郭璞所撰,胡渭提出《水经》创自东汉,而魏晋人续成”,戴震认为是三国时人所作,杨守敬进一步指出是三国时魏人所作,但作者姓名不可考。当今又有认为《水经》作者是酈道元的新观点出现。原书单印本早已失传,现见的是附在《水经注》所流传后世的各种版本。

全书三卷,有一万余字。所载水道一百三十七条,每水各成一篇,记述其源流与流经的地方。在《水经》之前,我国古代文献中记水文的有《禹贡·异水》、《史记·河渠书》、《尔雅·释水》、《汉书·沟洫志》等篇。但《禹贡》只是简略地记述了全国九条主要河流,《河渠书》、《沟洫志》只以记黄河流域的水道、航运、灌溉、水害和治理为主,不记全国河流,《释水》多对水文现象、水系和水成地形进行解释。而《水经》则系统地记述了全国河流,内容包括河流

源地、流向、归宿 ,以及所流经的地域和主支流的空间分布与次序。

《水经》基本反映的多是东汉时的情况 ,也有少许西汉和三国初的情况。尽管有些是谬记笔误 ,但基本还是符合当时的实际情况。有些与酈道元《水经注》中记载的水道不同 ,通过比较可以研究东汉、三国和南北朝时期的水道变迁 ,对照《史记·河渠书》《汉书·沟洫志》 ,还可研究西汉至三国初的一些河流水道的历史变迁。早在东汉时 ,就产生了内容如此全面博赅的河川水系著作 ,足以让人称“奇”。

卷 上

河 水

昆仑墟在西北，去嵩高五万里，地之中也。其高万千里。河水出其东北陬，屈从其东南流入于渤海。出海外，南至积石山，下有石门，河水冒以西南流。水又南入葱岭山。河水又西径罽宾国北。河水又径月氏国南。又西径安息南。河水与蜺罗跂耨水注雷翥海。又西径四大塔北。又西径陀卫国北。河又东，径皮山国北，其源山于阗国南山，北流与葱岭河合，东注蒲昌海。河水又东，与于阗河合。又西北流，注于河。南河又东，径于阗北。南河又东北，径扞弥国北，南河又东，径且末国北。北河又东北流，分为二水，枝流出焉。北河自疏勒径流南河之北。北河又东，径莎车国南。北河之东南，径温宿国。北河又东，径姑墨国南。河水又东，径注宾城南。又东，径楼兰城南，而东注。河水又东注于渤海。又东入塞，过敦煌、酒泉、张掖郡南。河水又自东河曲，径西海郡南。河水又东，径允川，而历大榆、小榆谷北。又东，过陇西河关县北，洮水从东南来流注之。河水又东北流，入西卑郡界，左合二川，南流入河。又东北，济川水注之。河水东，又径洮河故城北。河水又东北，径黄川城。河水又东，径石城南，左合北谷水。河水又东北，径黄河城南。河水又东北，径广、连城北，又合鸟头川水。河水又东，径邯川城南。河水又东，临津溪水注之。河水又东，径临津城北，白土城南。河水又东，左会白土川水。河水又东北，会两川，右合二水。河水又东，得野亭南。河水又东，历凤林北。河水又东，与漓水合。河水又径左南城南。大河又东，径赤岸北。河水又东，洮水注之。又东，过金城允吾县北。河水又东，径石城南。又东，过榆中县北。又东，过天水北界。又北，过武威媼围县东北。又东北，过天水勇士县北。又东北，过安定北界麦田山。河水东北流，径安定祖厉县故城西北。河水又东北，径麦田城西。又北，与麦田泉水合。河水又东北，径麦田山西。河水又东北，径于黑城北。又东北，高平川水注之。河水又东北，径胸卷县故城西。河水又北，过北地富平县西。河水又北，径富平县故城西。河水又北，薄骨律镇城。河水又径典农城东。河水又北，径典农城东。河水又东北，径廉县故城东。河水又与北枝津。河水又东北，径浑怀鄯西。河水又东北，历石崖山西。又北，过朔方临戎县西。河水又北，径临戎县故城西。河水又北，有枝渠东出，谓之铜口，东径沃野城南。河水又北，屈而为南河出焉。河水又北迤西，溢于窳浑县故城东。河水又屈而东流，为北河，东径高阙南。河水自临河县东径阳山南。河水又南，径马阴山西。河水又东南，径朔方县故城东北。河水自朔方东转，径渠搜县故城北。河水又东，径成宜县故城南。河水又东，径原亭城南。河水又东，径宜梁县之故城南。河水又东，径稻田城南。又东，过临沃县南。河水又东，枝津出焉。河水又东流，石门水南注之。河水又东，径稻田县故城南。河水又东，径塞泉城南而东注。又东，过云中栎陵县南。又东，过沙南县北，从县东，屈南过沙陵县西。河水屈而流，白渠水注之。河水南，入栎陵县西北。又南，过赤城东。又南，过定襄桐过县西。河水于二县之间，济有君子之名。河水又东南，左合一水。河水又南，树颍水注之。河水又南，太罗水注之。河水又左得滴水口。又南，过西河囿（音银）阳县东。河水又

东 端水入焉。河水又南 诸次之水入焉。河水又南 汤水注之。又南 离石县西 奢延水注之。河水又南 陵水注之。河水又南 得离石水口。又南 过中阳县西。又南 过土军县西。河水又南 合契水。河水又南 得大蛇水。河水又南 又纳辱水。又南 过上郡高奴县东。河水又南 蒲川石楼山。南 径蒲城东。河水又南 过河东 北屈县西。河水又南 得鲤鱼。河水又南 羊求水入焉。河水又南 为采桑津。又南 过皮氏县西。河水又南 合蒲水。河水又南 径丹水西南。河水又南 黑水注之。河水又南 至崕谷傍。河水又南 洛水自猎山枝分东脉 东南注于河。又南 出龙门口 汾水从东来注之。河水又南 右合畅谷水。河水又南 径梁山原东。河水又南 崕谷水注之。河水又南 右合陶渠水。河水又西 徐水注之。河水又南 径子夏石室。又南 过汾阴县西。河水又径郃阳城东。河水又南 径陶城西。又南 过蒲坂县西。河水又南 径雷首山西。又南 涑水注之。又南 至华阴潼关 渭水从西来注之。河水历船司空 与渭水会。河水又东北 玉涧水注之。河水又东 径阌乡侯河。东与全鸠涧水合。又东 过河北县南。河水又东 永乐涧水注之。河水自河北城南 东径芮城。河水又会槃涧。河水又东 径湖县故城北。河水又东 合柏谷水。河水又东 右合门水。又东 过陕县北。又西 径陕县故城南。又东 过大阳县南。河水又东 径大阳县故城南。河水又东 沙涧水注之。又东 过砥柱间。河之右 则崤水注之。河水又东 千崤之水注焉。又东 过平阴县北。又东 至邓 清水从西北来注之。河水又东 与教水合。河水又与畛水合。河水又东 合庸庸之水。河水又东 径平阴县北。河水西会瀑水(一作右会)。河水又东 过平阴县北 湛水从北来注之。河水又东 径河阳县故城南。河水又径临平亭北。河水又东 径洛阳县北。河水又东 径平县故城北。河水又东 泚水入焉。又东 沛水注焉。又东 过巩县北 洛水从县西北流注之。又东 过成皋县北 济水从北来注之。河水又径黄马坂北。河水又东 径旋门坂北。河水东 径成皋大伾山下。河水南 对玉门。河水又东 合汜水。河水又东 径板城北。河水又东 径五龙坞北。又东 过荥阳县 蓑荡渠出焉。河水又东北 径卷之扈亭北。河水又东 径八激堤北。河水又东 径卷县北。河水又东北 径赤岸固北 而东北注之。又东北 过武德县东 沁水从之。东 至酸枣县西 濮水东出焉。河水又东北 通谓之延津。河水又径东 燕县故城北 则有济水自北来注之。河水又东 淇水入焉。又东 径遮害亭南。河水又东 右径滑台城。又东北 过黎阳县南。河水自津东北 径凉城县。河水又东北 径伍子胥庙南。河水又东北 为长寿津。故渎东北 径戚城西。故渎又径繁阳县故城东。北 径阴安县故城西。故渎又东北 径昌乐县故城东。故渎又东北 径平邑郭西。又东北 径元城县故城西。北 而至沙丘堰。至于丈陆北 播于九河。河之故渎 自沙丘堰南分 屯氏河出焉。河水故渎东北 径发干县北城西 又屈径其北。大河故渎又东 径贝丘县故城南。大河故渎又东 径甘陵县故城南。大河故渎又东 径平原县故城西 而北绝屯氏三渎。北 径绎幕县故城东北 西流径平原鬲县故城西。大河故渎又北 径修县故城东。又北 径安陵县西。大河故渎北出 为屯氏河 径馆陶县东 东北出。左渎又北 径经城东 缘城西 又径南宫县西北 注绛渎。右渎又东北 径广宗县故城南。又东北 径界城亭北。又东北 径长乐郡武强县故城东。又东北 径广川县 与水故道合。又东北 径广川县故城西。又东 径棘津亭南。张甲故渎又东北 至修县东会清河。屯氏别河东 枝津出焉。东 径信成城南。又东 径清阳县故城南 清河郡北。又东北 径陵乡南。又东北 径东武城县故城南 又东北 径东阳县故城南。屯氏别渎又东北 径清河郡南。又东北 径清河故城西。屯氏别河北渎东 径绎幕县故城南。东 邑大河故渎。又东北 径平原县枝津北出 至安陵县遂绝。屯氏别河北渎又东北 径重

平县故城南。屯氏别河北渚又东，入阳信县，今无水。又东，为咸河。东北流，径阳信县故城北。屯氏别河南渚自平原东，绝大河故渚，又径平原县故城北。东北，枝津又出。东北，至安德县界东，会商河。屯氏别河南渚又东北，于平原界，又有枝渠右出，至安德县遂绝。屯氏别河南渚，自平原城北首，受大河故渚东出，亦通谓之弩马河。东北，径安德县故城西。又东北，径临齐城南。始又屈径其城东故渚，广西四十步。又东北，径重丘县故城西。又东北，径西平昌县故城北。又径般县故城北。东，径乐陵县故城北。又东北，径阳信县故城南，东北入海。屯氏河故渚自别河东，径甘陵之信乡县故城南。屯氏故渚又东，径甘陵县故城北，径灵县北。又东北，径鄆县，与鸣犊河故渚合，上承大河故渚于灵县南。东北，径灵县东，东入鄆县，而北合屯氏渚。又东北，右过卫国县南。又东北，过濮阳县北，瓠子河出焉。河水东，径铁丘南。河水东北流，而径濮阳县北，为濮阳津。河水又东北，径卫国县南。东，为郭口津。河水又东，径鄆城县北。河水又东北，径范县之秦亭西。河水又东北，径委粟津，左会浮水故渚。故渚东，绝大河。故渚东，径五鹿之野。浮水故渚又东北，径国邑。又东，径卫国县故城南古斟观。浮水故渚又东，径河牧城而东北出。又东北，入东武阳县，东入河，又有漯水出焉。河水又东，径武阳县东，范县西，而东北流也。又东北，过东阿县北。河水于范县东北流，为仓亭津。河水又历柯泽，径东阿县故城西而东北出，流注。又东北，过茌平县西。河自邓里渠东北，径昌乡亭北，径碣磈城西。河水又与邓里渠水，上承大河于东阿县西。东，径东阿县故城北。又东北，径临邑县，与将渠合。又北，径茌平县东，临邑县故城西，北流入于河。河水又东北流，径西渚津。又东北，过高唐县界。

漯 水

漯水又东北，径清河县故城北。漯水又东北，径文乡城东南。又东北，径博平县，右与黄沟同注川泽。又东，径文乡城。又东南，径王城北。黄沟又东北，径左与漯水隐覆，势镇河陆。东出于高唐县，大河右迤，东注漯水矣。漯水又东北，径援县故城西。漯水又径高唐县故城东。漯水又东北，径漯阴县故城北。漯水又东北，径著县故城南。又东北，径崔氏城北。漯水东南，径东朝阳县故城南。漯水又东，径汉征君伏生墓南。漯水又东，径邹平县故城北。又东北，径界东邹城北。漯水又东北，径建信县故城北。漯水又东北，径千乘县二城间。又东北，为马常坑。又东北，过杨墟县东，商河出焉。商河又北，径平原县东，又径安德县故城南。又东北，径昌平县故城南。又东，径般县故城南。又东，径乐陵县故城南。商河又东，径初乡县故城南，沙沟水注之。商河又东北流，径马岭城西北，而流屈而东注，南转径城东。商河又东北，径富平县故城北。商河又分为二水，南水谓之长聚沟，北水世又谓之白薄渚。大河又东北，径高唐县故城西。大河又北，径张公城临侧河湄。河水又北，径平原县故城东。大河右溢，世谓之甘枣沟。故渚又东北，历长堤径温阴县北，河水又东北，径阳阿县故城西。又东北，过漯阳县北。河水自平原，左径安德城东，而北为鹿角津，东北径般县乐陵初乡，厌次县故南厌次河。河水又径漯阳县故城北。河水又东北，为漯沃津。河水又东，径千乘城北。又东北，过黎城县北。又东北，过甲下邑，济水从西来注之，又东北，入于海。河水又东，分为二水，枝津东径甲下城南，东南历常流注济。

汾 水

汾水出太原汾阳县北管涔山。东流 ,过晋阳县东 ,晋水从县东南流注之。又南 ,洞涡水从东来注之。又南 ,过大陵县东。又南 ,过平陶县东 ,文水从西来流注之。又南 ,过寇爵津。又南 ,入河东界。又南 ,过永安县西。又南 ,过杨县东。西南 ,过高梁邑西。又南 ,过平阳县东。又南 ,过临汾县东。又屈从县南西流。又西 ,过长修县南。又西 ,过皮氏县南。又西 ,至汾阴县北 ,西注于河。

浍 水

浍水出河东绛县东浍交东高山。西 ,过其县南。又西南 ,过 祁宫南。又西 ,至王桥 ,注于汾水。

涑 水

涑水出河东闻喜县东山黍葭谷。又西 ,过周阳邑南。又西南 ,过其县南。又西南 ,过安邑县西。又南 ,过解县东。又西南 ,注于张阳池。

文 水

文水出大陵县西山文谷东。到其县 ,屈南到平陶县东北 ,东入于汾。

原 公 水

原公水出兹氏县西羊头山东。过其县北 ,又东 ,入于汾。

洞 涡 水

洞涡水出沾县北山。西 ,过榆次县南。又西 ,到晋阳县南。西 ,入于汾 ,出晋水下口者也。

晋 水

晋水出晋阳县西县壅山。又东 ,过其县南。又东 ,入于汾水。

湛 水

湛水出河内轵县西北山。东 ,过其县北。又东 ,过皮县之北。又东 ,过毋辟邑南。又东南 ,当平阴县之东北。南 ,入于河。

济 水

济水出河东垣县东王屋山 ,为沔水。又东 ,至温县西北 ,为济水。又东 ,过其县北。屈从县东南流 ,过坟城西。又南 ,当巩县北。南 ,入于河 ,与河合流。又东 ,过成皋县北。又东 ,过荥阳县北。又东 ,至北礪磻南。东出 ,过荥阳北。济水又东 ,径西广武城北。济水又东 ,径东广武城北。济水又东 ,径敖山北。济水又东 ,合荥渚。济水又东 ,径荥阳县北。济水又东南 ,礪石溪水注之。济水又东 ,索水注之。又东 ,过阳武县北。济水又东北流 ,南济也 ,径阳武县故城南。济水又东 ,径封丘县南。济水又东 ,径东昏县故城北。济水又东 ,径济阳县故城南。又东 ,过封丘县北 ,北济也。济水又东 ,径原武县故城南。济渚又东 ,径酸枣县之鸟巢泽北。又东 ,过平丘县南 ,北济也。济水者 ,又东 ,过济阳县 ,北济也。又东 ,过冤朐县南。又东 ,过定陶县南 ,南济也。济水又东北 ,荷水东出焉。济水又东 ,径秦相魏冉冢。济水又东北 ,径定陶恭王陵南。济水又东北 ,径定陶县故城南。又屈从县东北流 ,南济也。济水又东 ,至乘氏县西 ,分为二 ,南为荷水 ,北为济渚。北济又东北 ,径冤朐县故城北。又东北 ,与濮水。济水故渚又北 ,右合洪水。又东北 ,过寿张县西界 ,安民亭南 ,汶水从东北来注之。济水又北 ,径须胸城西。济水又径微乡东。又北 ,过须昌县西。济水又北 ,径渔山东 ,左合马颊水。济水自鱼山北 ,径清亭东。又北 ,过谷城县西。济水又北 ,径周首亭西。又北 ,过临邑县东。济水又北 ,径平阴城西。济水又东北 ,至坦苗城西。又东北 ,过庐县北。济水又径庐县故城北。济水又东北 ,与中川水合。济水又东北 ,右会玉水。济水又东北 ,泝水出焉。济水又东北 ,华不注山。又东北 ,过台县北。济水又东北 ,合芹沟水。又东北 ,过菅县南。又东 ,过梁邹县北。又东北 ,过临济县南。济水又东北 ,迤为渊渚 ,谓之平州。济水又东北 ,径乐安县故城南。又东北 ,过利县西。又东北 ,过甲下邑 ,入于河。又东北 ,入海。其一水东流者 ,过乘氏县南。又东 ,过昌邑县北。又东 ,过金乡县南。又东 ,过东缙县北。济水又东 ,径汉平狄将军扶沟侯淮阳米鮪冢。又东 ,过方与县北 ,为荷水。济水东 ,径重乡城南。荷水又东 ,过湖陆县南。东 ,入于泗水。又东 ,南过沛县东北。又东 ,南过留县北。又东 ,过彭城县北 ,睢水从西来注之。济水又南 ,径彭城县故城东。又东南 ,过徐县北。又东 ,至下邳睢陵县南 ,入于淮。

清 水

清水出河内修武县之北黑山。东北 ,过获嘉县北。又东 ,过汲县北。又东 ,入于河。

沁 水

沁水出上党沮县謁戾山。南 ,过谷远县东。又南 ,过猗氏县东。又南 ,过阳阿县东。又南 ,出山 ,过沁水县北。又东 ,过野王县北。又东 ,过周县北。又东 ,过邢丘。又东 ,过武德县南。又东南 ,至荥阳县北。东 ,入于河。

淇 水

淇水出河内隆虑县西大号山。又东 ,过内黄县南 ,为白沟。屈从县东北 ,与洹水合。又东北 ,过馆陶县北。又东北 ,过清渊县西。又东北 ,过广宗县东 ,为清河。又东北 ,过东武城县西。又北 ,过广川县东。又东 ,过修县南。又东北 ,过东光县西。又东北 ,过南皮县西。又东北 ,径浮阳县西。又东北 ,过涉邑北。又东北 ,过乡邑南。又东北 ,径穷河邑南。又东北 ,过漂榆邑 ,入于海

荡 水

荡水出河内荡阴县西山东。又东北 ,至内黄县 ,入于黄泽。

洹 水

洹水出上党兹氏县。东 ,过隆虑县北。又东北 ,出山 ,径邺县南。又东 ,过内黄县北。东 ,入于白沟

浊 漳 水

浊漳水出上党长子县西 ,发鸠山之漳水焉。东 ,过其县南 ,屈从县东北流注。又东 ,过壶关县北。又东北 ,过屯留县、潞县北。又东 ,过武安县。又东 ,出山 ,过邺县西。又东 ,过列人县

南。又东北 ,过斥漳县南。又东北 ,过曲周县东。又东北 ,过钜鹿县东。又北 ,过堂阳县西。又东北 ,过扶柳县北。又东北 ,过信都县西。又东北 ,过下博县之西。又东北 ,过阜城县北。又东北 ,至昌亭 ,与霅池河会。又东北 ,至乐成陵县 ,别出北。又东北 ,过成平县南 ,合清河。又东北 ,过章武县西。又东北 ,过平舒县南。东 ,入海。

清 漳 水

清漳水出上党沾县西北少山大黽谷。南 ,过县西 ,又从县南屈。东 ,过涉县西 ,屈从县南。东 ,至武安县南黍窰邑 ,入于浊漳。

易 水

易水出涿郡故安县阎乡西山。东 ,过范阳县南。又东 ,过容城县南。又东 ,过安次县南。又东 ,过束州县南。东 ,入于海。

滹 水

滹水出代郡灵丘县高氏山。南 ,过广昌县南。又东南 ,过中山上曲阳县北 ,恒水从西来注之。又东 ,过唐县南。又东 ,经安喜县南。又东 ,过安国县北。又东 ,过博陵县南。又东北 ,入于易。

圣 水

圣水出上谷。东 ,过良乡县南。又东 ,过长乡县北。又东 ,过安次县南。东 ,入于海。

巨 马 水

巨马河出代郡广昌县涑山。东 ,过 县北。又东南 ,过容城县北。又东南 ,至泉州县西南。东 ,入八丈沟。又南。又东 ,过勃海东平舒县北。东 ,入于海。

湿 水

湿水出雁门阴馆县。东北 ,过代郡桑干县南。又东 ,过涿鹿县北。又东南 ,出山 ,过广阳蓟县北。又东 ,至渔阳雍奴县西。入笕沟。

湿 余 水

湿余水出上谷居庸关东。又东 ,流过军都县南。又东 ,流过蓟县北。又北 ,屈东南至狐奴县西 ,入于沽河。

沽 水

沽河从塞外来。南 ,过渔阳孤奴县北。西南 ,与湿余水合 ,为沽河。又东南 ,至雍奴县西笕沟。又东南 ,至泉州县 ,与清河合。东 ,入于海。清河者 ,泃河尾也。

鲍 丘 水

鲍丘水从塞外来。南 ,过渔阳县东。又南 ,过潞县西。又南 ,至雍奴县北。屈东 ,入于海。

濡 水

濡水从塞外来。东南 ,过辽西令支县北。又东南 ,过海阳县西。南 ,入于海。

大 辽 水

大辽水出塞外卫白平山。东南 ,入塞 ,过辽东襄平县。又东南 ,过房县西。又东 ,过安市县。西南 ,入于海。又 ,玄菟高句丽县有辽山。

小 辽 水

小辽水所出。西南 ,至辽隧县 ,入于大辽水也。

汎 水

汎水出乐浪镂方县。东南 ,过于临汎县。东 ,入于海。

洛 水

洛水出京兆上洛县 举山。洛水又东 ,户水注之。洛水又东 ,得乳水。洛水又东 ,会于龙余之水。洛水又东 ,门水出焉。洛水又东 ,径熊耳山北。东北 ,过庐氏县南。洛水径阳渠关北。洛水又东 ,径庐氏县故城南。洛水东 ,与高门水合。洛水又东 ,松杨溪水注之。洛水又东 ,库谷水注之。又东北 ,过蠡城邑之南。又东 ,过阳市邑南。又东北 ,过于父邑之南。洛水又东 ,渠谷。又东北 ,过宜阳县南。洛水又东 ,径宜阳县故城南。又东北 ,出散关南。洛水又东 ,枝渚左出焉。又东北 ,过河南县南。又东 ,过洛阳县南 ,伊水从西来注之。又东 ,过偃师县南。洛水又北 ,阳渠水注之。洛水又东 ,径訾城北。又东 ,罗水注之。又东北 ,过巩县东。又北 ,入于河。洛水又东北流 ,入于河。

伊 水

伊水出南阳县西蔓渠山。东北 ,过郭落山。又东北 ,过陆浑县南。又东北 ,过新城县南。又东北 ,过伊阙中。又东北 ,至洛阳县南。北 ,入于洛。

瀍 水

瀍水出河南谷城县北山。东 ,与千金渠合。又东 ,过洛阳县南。又东 ,过偃师县。又东 ,入于洛。

涧 水

涧水出新安县南白石山。东南 ,入于洛。

谷 水

谷水出弘农黾池县南蟠冢林谷阳谷。东北 ,过谷城县北。又东 ,过河南县北。东南 ,入于洛。

甘 水

甘水出弘农宜阳县鹿蹄山。东北 ,至河南县南。北 ,入洛。

漆 水

漆水出扶风杜阳县俞山东。北 ,入于渭。

浚 水

浚水出京兆蓝田谷。北 ,入于灞。

沮 水

沮水出北地直路县东。过冯翊祿县北。东 ,入于洛。

渭 水

渭水出陇西首阳县渭谷亭南鸟鼠山。又北 ,过襄武县北。又东 ,过獮道县南。又东 ,过冀县北。又东 ,过上邽县。又东 ,过陈仓县西。又东 ,径武功县北。又东 ,芒水从南来流注之。渭水又东 ,过槐里县南。又东 ,涝水从南来注之。渭水又东北 ,径黄山宫南 ,就水注之。渭水又

东 ,合田溪水。渭水又东 ,径槐里县故城南。渭水又东 ,合甘水。又东 ,丰水从南来注之。渭水又东 ,北与镐水合。渭水又东北 ,径渭城南 ,而沔水注之。又东 ,过长安县北。渭水又东 ,与沔水枝津合。渭水又径长安城北。又东 ,过华阴县北。又东 ,过郑县北。又东 ,过霸陵县北 ,霸水从县西北流注之。东 ,入于河。

漾 水

漾水出陇西氐道县嶓冢山。东 ,至武都沮县 ,为汉水。又东南 ,至广魏白水县西。又东南 ,至葭萌县东北 ,与羌水合。又东南 ,过巴郡阆中县。又东南 ,入汉川江津县。东南 ,入于江。

丹 水

丹水出京兆上洛县西北冢岭山。东南 ,过其县南。又东南 ,过商县南。又东南 ,至于丹水县 ,入于沟。

汝 水

汝水出河南梁县勉乡西天息山。东南 ,过其县北。又东南 ,颍川郟县南。又东南 ,过定陵县北。又东南 ,过鄢县北。又东南 ,过汝南上蔡县西。又东南 ,过平舆县南。又东 ,至原鹿县。南 ,入于淮。

卷 下

颍 水

颍水出颍川阳城县西北少室山。又东南 ,过其县南。又东南 ,过阳翟县北。又东南 ,过颍阳县西。又东南 ,过颍阴县西南。又东南 ,至慎县东南 ,入于淮。又东南 ,过临颍县南。又东南 ,汝南 滎强县北 ,洧水从河南密县东流注之。又东 ,过西华县北。又南 ,过汝阳县北。又东南 ,过南顿县北 ,滎水从西来流注之。又东南 ,至新阳县北 ,蓑荡渠水从西北来注之。

洧 水

洧水出河南密县西南马领山。又东南 ,过其县南。又东 ,过郑县南 ,鄆水从西北来注之。又东南 ,过长社县北。又东南 ,过新汲县东北。又东南 ,过茅城邑之东北。又东 ,过习阳城西 ,折入于颍。

淝 水

淝水出河南密县大騊山。东南 ,入于颍。

漕 水

漕水出郑县西北平地。东 ,过其县北。又东南 ,过其县东。又南 ,入于洧水 ,渠出荥阳北河。东南 ,过中牟县之北。又东 ,至浚仪县。又屈南 ,至扶沟县北。其一者 ,东南过陈县也。又东南 ,至汝南新阳县北。又东南 ,过山桑县北。又东南 ,过龙亢县南。又东南 ,过义城县西。南 ,入于淮。

阴 沟 水

阴沟水出河南阳武县蓑荡渠。东南 ,至沛 ,为涡水。又东南 ,至下邳淮陵县 ,入于淮。

汧 水

汧水出阴沟于浚仪县北。又东 ,至梁郡蒙县 ,为濉水。余波南 ,入淮阳城中。获水出汧水于梁郡蒙县北。又东 ,过萧县南。又东 ,至彭城县北。东 ,入于泗。

睢 水

睢水出梁郡鄱县。又东 ,过睢阳县南。又东 ,过相县南。屈从城北东流 ,当萧县。南 ,入于睢。

瓠 子 水

瓠子河出东郡濮阳县北河。东 ,至济阴句县 ,为新沟。又东北 ,过廩丘县 ,为濮水。又北 ,过东郡范县东北 ,又济渠 ,与将渠合。又东北 ,过东阿县东。又东北 ,过临邑县西。又东北 ,过茌平县东 ,为邓里渠。又东北 ,过祝阿县 ,为济渠。又东北 ,至梁邹县西 ,分为二 ,其东北者为济河 ,其东者为时水。又东北 ,至济西。济河东北 ,入于海。时水东 ,至临淄县西 ,屈南过太山华县东 ,又南至费县 ,东入于沂。

汶 水

汶水出太山莱芜县原山西南。过嬴县南 ,又东南。过奉高县北。屈从县西南流 ,过博县西北。又西南 ,过蛇丘县南。又西南 ,过冈县北。又西南 ,过平章县南。又西南 ,过无盐县南。又西南 ,过寿张县北。又西南 ,至安民亭 ,入于济。

泗 水

泗水出鲁卞县北山。西南 ,径鲁县北。又西 ,过瑕丘县东 ,屈从县东南流 ,濊水从东来注之。又南 ,过平阳县西。又南 ,过高平县西 ,洸水从北西来流注之。又南 ,过方舆县东 ,荷水从西来注之。又屈东南 ,过湖陆县南 ,洧洧水从东北来流注之。又南 ,过沛县东。又东 ,径山阳郡。又东 ,南过彭城县东北。又东南 ,过吕县南。又东南 ,过下邳县西。又东南 ,入于淮。

沂 水

沂水出泰山盖县艾山。南 ,过琅邪临沂县东。又南 ,过开阳县东。又东 ,过襄贲县东 ,屈从县南西流。又屈南 ,过剡县西。又南。过良城县西。又南 ,过下邳县西。南 ,入于泗。

洙 水

洙水出泰山盖县临乐山。西南 ,至卞县 ,入于泗。

沭 水

沭水出琅邪东莞县西北山。东南 ,过其县东。又东南 ,过莒县东。又南 ,过阳都县东 ,入于沂。

巨 洋 水

巨洋水出朱虚县泰山北。过其县西 ,又北 ,过临朐县东。又北 ,过剧县西。又东北 ,过寿光县西。又东北 ,入于海。

淄 水

淄水出泰山莱芜县原山。又东北 ,过临淄县东。又东 ,过利县东。又东北 ,入于海。

汶 水

汶水出朱虚县泰山。北 ,过其县东。又北 ,过淳于县西。又东北 ,入于县。

潍 水

潍水出琅邪箕县。东北 ,过东武城县西。又北 ,过平昌县东。又北 ,过高密县西。又北 ,过

淳于县东。又东北 ,径都昌县东。又东北 ,入于海。

胶 水

胶水出黔陬县胶山北。过其县西 ,又北 ,过夷安县东。又北 ,过当利县西。北 ,入于海。

沔 水

沔水出武都沮县东狼谷中。沔水又东南 ,径沮水戍而东南流注汉 ,曰沮口。沔水又东 ,径白马戍南 ,沮水入焉。沔水又东 ,径武侯垒南。又东 ,径沔阳故城南。沔水又东 ,径西乐城北。汉水又左得度口水。汉水又东 ,黄沙水左注之。汉水又东 ,合褒水。汉水又东 ,径汉庙堆下。又东 ,过南郑县南。汉水又东 ,得长柳渡。汉水又左会文水。汉水又东 ,黑水注之。又东 ,过城固县南。又东 ,过魏兴安阳县南 ,沔水出自旱山。北注之。汉水又东 ,至澧城南 ,与洛谷水合。汉水又东 ,径小城固南。汉水又东 ,径石门滩。汉水又东 ,径妨墟为滩。汉水又东 ,径猴经滩。汉水又东 ,径小大黄金南。汉水又东 ,合蘧蔭汉口。汉水又东 ,右会洋水。汉水又东 ,历敖头。汉水又东 ,合直水。汉水又东 ,径直城南。汉水又东 ,径晋昌郡之宁都县南。汉水又东 ,径鱼脯溪口。又东 ,过西城县南。汉水又东 ,右得大势。汉水右对月谷口。汉水又东 ,径西城县故城南。汉水又东 ,为鳢湍。汉水又东 ,合旬水。汉水又东 ,径木兰塞南。汉水又东 ,左得育汉。汉水又东 ,巡魏兴郡之锡县故城北。汉水又东 ,历姚方。沔水又东 ,过襄阳县北。沔水又东 ,合檀溪水。沔水又径平鲁城南 ,又从县东屈西南 ,涓水从北来注之。沔水中有鱼梁洲。沔水又径桃林亭东。沔水又东南 ,径蔡洲。沔水又东南 ,邑城北。沔水又东 ,合洄口。又东 ,过中庐县东 ,淮水自房陵县淮山东流注之。沔水又东南流 ,径黎丘故城西。又南 ,过郢县东北。沔水又南 ,得木里水会。又南 ,过宜城县东 ,夷水山自房陵县 ,东流注之。沔水又径郢县故城南。沔水又东 ,敖水注之。沔水又东南 ,与白水合。沔水自荆城东南流 ,径当阳县之章山东。沔水又东 ,右会权口。沔水又东南 ,与阳口合。又东南 ,径江夏云杜县东 ,夏水从西来注之。沔水又东 ,径左桑。沔水又东 ,合区亮水口。沔水又东 ,得合驿口。沔水又东 ,谓之横桑。沔水又东 ,谓之郑潭。沔水又东 ,得死沔。沔水又东 ,与力口合。沔水又东南 ,溃入水焉。沔水又东 ,径沌阳县北。又南 ,至江夏沙羡县北。南 ,入于江。沔水与江合流 ,又东 ,过彭蠡泽。又东 ,北出居巢县南。又东 ,过牛渚县南。又东 ,至石城县 ,分为二 ,其一东北流 ,其一又过毗陵县北 ,为北江。南江又东 ,与贵长池水合。南江又南 ,东径宣城之临城县南。南江又东 ,与桐水合。南江又东 ,径宁国县南。南江又东北 ,为长渎历河口 ,东则松江出焉。江水奇分 ,谓之三江口。又东 ,至会稽余姚县。东 ,入于海。江水又东 ,径黄桥下。江水又东 ,径余姚县故城南。江水又东 ,注于海。又东 ,过堵阳县 ,堵水出焉 ,自上粉县北流注之。又东 ,过鄞乡县南。汉水又东 ,径鄞乡里故城南。汉水又东 ,径琵琶谷口 ,又东北流 ,又屈东南 ,过武当县东北。汉水又东 ,为猥子潭。汉水又东南 ,径武当县故城北。汉水又东 ,平阳川水注之。沔水又东 ,南径县城东。沔水又东 ,径龙巢山下。又东南 ,径涉都县东北。又东南 ,过酆县之西南。又南 ,径谷城东。又南 ,过阴县之

西。沔水又东南 ,得洛溪口。又南 ,过筑阳东 ,筑水出自房陵县东 ,过其县南流注之。又东 ,径学城南。沔水又南 ,径筑阳县东。沔水又东 ,为漆滩。又东 ,过山都县东北。沔水又东 ,径乐山北。沔水又东 ,径隆中。

潜 水

潜水出巴郡宕渠县。又南 ,入于江。

湍 水

湍水出酃县北芬山。南流 ,过其县东。又南 ,过冠军县东。又东 ,过白牛邑南。又东南 ,至新野县。东 ,入于淯。

均 水

均水出淅县北山。南流 ,过其县之东 ,又南 ,当涉都邑县北。南 ,入于沔。

粉 水

粉水出房陵县。东流 ,过郢邑南。又东 ,过谷邑南。东 ,入于沔。

白 水

白水出朝阳县西。东流 ,过其县南。又东 ,至新野县西。东 ,入于淯。

泚 水

泚水出泚阳东北太胡山。东南流 ,径其县南 ,泄水从南来注之。又西 ,至新野县南 ,入于淯。

淮 水

淮水出南阳平氏县胎簪山。东北 ,过桐柏山。淮水又东 ,径义阳县。淮水又径义阳县故城南。淮水又东 ,得淝口水。东 ,过江夏平春县北。淮水又东 ,油水注之。淮水又东北 ,与大木水合。淮水又东北流 ,左会湖水。淮水又东 ,径安阳县故城南。又东 ,径新息县南。淮水又东 ,径浮光山北。淮水又东 ,右塹水。淮水又东北 ,申跋枝水注之。淮水又东 ,径淮阴亭北。又东 ,径白城南。淮水又东 ,径长陵戍南。又东 ,青陂水注之。淮水又东北 ,合黄水。又东 ,过期思县北。淮水又东北 ,淝水注之。东 ,过原鹿县南 ,汝水从西北来注之。又东 ,过庐江安丰县东北 ,决水从北来注之。淮水又东 ,谷水入焉。淮水又东北 ,左会润水。淮水又东北 ,穷水入焉。又东北 ,至九江寿春县西 ,淝水、洪水合北注之。又东 ,颍水从西北来流注之。淮水又东流 ,与颍口会。东南 ,径仓陵北。又东北流 ,径寿春县故城西。淮水又北 ,左合椒水。又东 ,过寿春县北 ,肥水从县东北流注之。淮水又北 ,径山碇中 ,谓之碇石。淮水又北 ,径莫耶山西。又东 ,过当涂县北 ,过水从西北来注之。淮水又东北 ,濠水注之。淮水又北 ,沙水注之。又东 ,过钟离县北。淮水又东 ,径夏丘县南。淮水又东 ,径浮山。淮水又东 ,径徐县南 ,历涧水注之。淮水又东 ,池水注之。淮水又东 ,蘄水注之。淮水又东 ,历客山 ,径盱眙县故城西。又东北 ,至下邳淮阴县西 ,泗水从西北来流注之。又东 ,过淮阴县北 ,中渚水出白马湖东北注之。又东 ,两小水流注之。又东 ,至广陵淮浦县入于海。

滢 水

滢水出南阳鲁阳县西之尧山。东北 ,过颍川定陵县西北。又东 ,过堰县南。东 ,入于汝。

涓 水

涓水出弘农庐氏县攻离山。东南 ,过南阳西鄂县西北。又东 ,过宛县南。又屈南 ,过涓阳县东。又南 ,过新野县西。西 ,过邓县东。南 ,入于沔。

滍 水

滍水出滍强县南泽中。东 ,入颍。

濯 水

濯水出汝南吴房县西北兴山。东 ,过其县北 ,入于汝。

淝 水

淝水出 沅阴县东上界山。东 ,过吴房县南。又东 ,过濯阳县南。又东 ,过上蔡县南。东 ,入汝。

沅 水

沅水出 沅阴县西北扶予山。东 ,过其县南。又东 ,过西平县北。又东 ,过鄢县南。又东 ,过定颖县北。东 ,入于汝。

淦 水

淦水出蔡阳县。东南 ,径隋县西。又南 ,过江夏安陆县西。又东南 ,入于夏。

水

濲水出江夏平春县西。南 ,过安陆 ,入于淦。

蕲 水

蕲水出江夏蕲春县北山。南 ,过其县西。又南 ,至蕲口。南 ,入于江。

决 水

决水出庐江雩娄县南大别山。北 ,过其县东。又北 ,过安丰县东。又北 ,入于淮。

泚 水

泚水出庐江 县西南霍山东北。东北 ,过六县东北 ,入于淮。

泄 水

泄水出博安县。北 ,过芍陂西 ,与泚水合。西北 ,入于淮。

肥 水

肥水出九江成德县广阳乡西。肥水别北过其县西。北 ,入芍陂。又北 ,过寿春县东。北 ,入于淮。

施 水

游水亦从广阳县东南入于湖。

沮 水

沮水出汉中房陵县淮水。东南 ,过临沮县界。又东南 ,过枝江县。东南 ,入于江。

漳 水

漳水出临沮县东荆山。东南 ,过蓼亭。又东 ,过章乡南。又南 ,至枝江县北鸟扶邑 ,入于沮。

夏 水

夏水出江流于江陵县东南。又东 ,过华容县南。又东 ,至江夏云杜县 ,入于沔。

羌 水

羌水出羌中参粮。又东南 ,至广魏白水县 ,与汉水合。又东南 ,过巴郡阆中县。又南 ,至垫江县东。南 ,入于江。

涪 水

涪水出广魏涪县西北。南 ,至小广魏 ,与梓潼合。

梓 潼 水

梓潼水出其县北界。西南 ,入于涪。又西南 ,至小广魏县南 ,入于垫江。

沔 水

沔水出汉中南县东南旱山。北 ,至沔阳县南 ,入于沔。

江 水

岷山在蜀郡氏道县 ,大江所出。东南 ,过其县北。江水自天彭阙东径汶关 ,而历氏道县北 ,又有湔水入焉。江水又东 ,别为沱。江水又历都安县。又东南 ,过犍为武阳县 ,青衣水、洙水从西南来 ,合而注之。又东南 ,过犍道县北 ,若水、淹水合从西来注之。又东 ,注水北流注。江水又与符里水合。又东 ,过江阳县南 ,洛水从三沔。江水入东 ,乌飞水注之。江水又东 ,径巫县城南。江水又东 ,巫溪水注之。江水又东 ,径巫峡。江水历峡东 ,径新崩滩。江水又东 ,径石门滩。又东 ,过秭归县之南。江水又东 ,径城北。江水又东南 ,径夔城南。江水又东 ,径归乡县故城北。江水又东 ,径信陵县南。江水又东 ,过夷陵县南。江水历峡东 ,径宜昌县之垂灶下。江水又东流头滩。江水又东 ,径宜昌县北。江水又东 ,径狼尾滩 ,而历人滩。江水又东 ,径黄牛山。江水又东 ,径西陵峡。江水历禹断江。江水出峡 ,东南流 ,径城故州。江水又东 ,径故城北。江水又东 ,径白鹿岩。江水又东 ,历荆门虎牙之门。又东南 ,过夷道县北 ,夷水从狼山县南 ,东北注之。江水又东 ,径上明城北。江水又东 ,会沮口。又南 ,过江陵县南。江水又东 ,径燕尾洲。江水东 ,得马牧口。江水又东 ,径江陵县故城南。江水又东 ,径郢城南。江水又东 ,得豫章口。又东 ,至华容县西 ,夏水出焉。又东南 ,当华容县南 ,涌水出焉。江水又东 ,涌水注之。

江水又径南平郡孱陵县之乐乡城北。又东南,油水从西南来注之。又东,右合油口。又东,径公安县危山东,过广魏洛阳南,东南注之。江水径汉安县北。江水东,径樊石滩,又径大附滩。又东,过符县北邪东南,鰭部水从符关东北注之。又东北,至巴郡江州县东,强水、涪水、汉水、白水、宕渠水,水合,南流注之。又江水东,至枳县西,延江从牂牁郡北流,西屈注之。又径东望峡,东历平都。江水又径虎须滩。江水又东,径临江县南。江水又东,得黄华水口,左径石城南。又东,至平洲。又东,径壤涂,而历和滩。又东,径界坛。江水又东,右得将龟溪口。江水又东南,会北集渠。江水又右径池溪口。江水又东,径右龙。又东,径羊肠虎臂滩。江水又东,彭水注之。江水又东,右径胸忍县故城南。江水又东,径瞿巫滩。江水又径东阳滩。江水又径鱼复县之故陵。江水又东,为落牛滩,径故陵北。江水又右径夜清,而东历朝阳道口。江水又东,左径新市里南。江水又东,右合阳元水口。江水又东,径南乡峡,南径永安宫南。江水又东,径诸葛亮图垒南。江水又东南,径赤岬西。江水又东,径鱼复县故城南。江水又东,径广溪峡西,过邓县东。江水自关东径弱关捍关,南入于北。江水左会高口。江水又东,得故市口。江水又右径杨岐北山。大江又东,左合子夏口。大江又东,左得侯台水口。大江右得龙穴水口。江水自龙巢而东,俞口。又东,得清杨、土坞二口。大江右径石首山北。又东,径赭要。江水左得饭筐上口。江水又右,得上檀浦。江水又东,径竹畦南。又东,至长沙下县隄北,沔水、沅水、资水合,东流注之,湘水从南来注之。江水又东,左得二夏浦。又东,径彭城口。江水自彭城,东径如山北。江水又左径白螺山南。江水左径止乌林南。江水又东,左得子练口。江水左得中阳水口。又东,得白沙口。江水东,右得聂口。江水左径百人山南。江水东,径大军山南。江水又东,径小军山南。江水又东,径鸡翅山北,又东北,至江夏沙羡县西北,沔水从北来注之。江水又东,径叹父山,南对叹州。江水又东,径鲁山南。江水左得湖口,水通太湖。又东,合淝口,不上承沔水于安陆县,而东径淝阳县北,东南注于江。江水又东,湖水自北南注,谓之嘉吴。江右岸频得二夏浦,北对东城洲西,浦侧有雍伏戍。江之左岸,东会龙骧水口,出北山蛮中。江之有武口,水上通安陆之延头。江水东,径若城南。又东,过邾县南。江水右得黎北。江水又东,径邾县故城南。鄂县北,江水右得樊口。江水又左径赤鼻山南。又东,径西阳郡南,郡治即西阳县也。江之右岸,有鄂县故城。江水左,则巴水注之。又东,径较县故城南。东会希水口,出县霍山西麓,山北有县故城。大江右岸有戾里口、安乐浦。江水左得赤水浦。江水又东,径南阳山南。江水又东,径西陵县故城南。江水东,历孟家澧。江之右岸,有黄石山,水径其北。又东,过蕲春县南,蕲水从北东注之。又东,过下雉县北,刊水从东陵西南注之。又东,左得青林口。

青 衣 水

青衣水出青衣县西蒙山。东,与沫水合也。至犍为南安县,入于江。

桓 水

恒水出蜀部岷山。西南 ,行羌中 ,入于南海。

若 水

若水出蜀郡旄牛徼外。东南 ,至故关 ,为若水也。南 ,过越巂邛都县西。直南 ,至会无县 ,淹水东南流注。又东北 ,至犍为朱提县西 ,泸江水。又东北 ,至僊道县 ,入于江。

沫 水

沫水出广柔徼外。东南 ,过旄牛县北。又东 ,至越巂灵道县 ,出蒙山南。东北 ,与青衣水合。东 ,入于江。

延 江 水

延江水出犍为南广县。又东 ,至犍为犍县东。屈北流 ,至巴郡涪陵县 ,注更始水。又东南 ,至武陵西阳县 ,入于酉水。

沅 酉 水

酉水东南 ,至沅陆县 ,入于沅。

存 水

存水出犍为郁 鄢县。东南 ,至郁林定周县 ,为周水。又东北 ,至潭中县 ,注于潭。

温 水

温水出犍为夜郎县。又东 ,至郁林广郁县 ,为郁水。又东 ,至领方县东 ,与斤南水合。东

北 ,入于郁。

淹 水

淹水出越巂遂久县徼外。东南 ,至蜻蛉县。又东 ,过姑复县南。东 ,入于若水。

叶 榆 水

益州叶榆河 ,出其县北界。屈从县东北流 ,过不韦县。东南 ,出益州界 ,入牂牁郡西随县北 ,为西随水。又东出 ,进桑关 ,过交址麋泠县北 ,分为五水 ,络交址郡中。至东界 ,复合为三水。东入海。

夷 水

夷水出巴郡鱼复县江。东南 ,过狼山县南。又东 ,过夷道县北。东 ,入于江。

油 水

油水出武陵孱陵县西界。又东北 ,入于江。

沔 水

沔水出武陵沅县西。历山东 ,过其县南。又东 ,过零阳县之北。又东 ,过作唐县北。又东 ,至长沙下隲县西北。东 ,入于江。

沅 水

沅水出牂牁且兰县 ,为旁沟水。又东 ,至潭城县 ,为沅。又东北 ,过临沅县南。又东 ,至长沙下隲县西北 ,入于江。

浪 水

浪水出武陵潭城县北界沅水谷。南 ,至郁林潭中县 ,与邻水合。又东 ,至苍梧陵县 ,为郁溪。又东 ,至高要县 ,为大水。又东 ,至南海番禺县西 ,分为二 ,其一南入于海 ,其一又东过县东 ,南入于海。员水又东南一千五百里 ,入南海。

资 水

资水出零陵都梁县路山。东北 ,过夫夷县。东北 ,过邵陵县之北。又东北 ,过益阳县北。又东 ,与沅水合于湖中。东北 ,入于江也。

涟 水

涟水出连道县西 ,资水之别。东北 ,过湘南县南。又东北 ,至临湘县西南。东 ,入于湘。

湘 水

湘水出零陵始安县阳海山。东北 ,过零陵县东。又东北 ,过洮阳县东。又东北 ,过泉陵县西。又东北 ,过重安县东。又东北 ,过酃县西 ,泰水从东南来注之。又东北 ,过阴山县西 ,洙水从东南来注之。又北 ,过沔陵县西 ,澧水从东注之。又北 ,过临湘县西 ,浏水从县西北流注。又北 ,沔水从西南来注之。又北 ,过罗县西 ,涇水从东来流注之。又北 ,过下 县西 ,微水从东来流注之。又北 ,至巴丘山 ,入于江。

漓 水

漓水亦出阳海山。南 ,过苍梧荔浦县。又南 ,至广信县 ,入于郁水。

湔 水

湔水出桂阳临武县南。绕城西北 ,屈东流。东 ,至曲江县安聂邑东。屈西南流 ,过滇阳县 ,出淮浦关 ,与桂水合。南 ,入于海。

汇 水

汇水出桂阳县庐聚。东南 ,过含涯县。南 ,出涯浦关 ,为桂水。

深 水

深水出桂阳庐聚。西北 ,过零陵营道县南。又西北 ,过营浦县南。又西北 ,过泉陵县西北七里 ,至燕室邪 ,入于湘。

钟 水

钟水出桂阳南平县都山北 ,过其县东。又东北 ,过宋渚亭。又北 ,过钟亭 ,与鸡水合。又北 ,过魏宁县之东。又东北 ,入于湘。

耒 水

耒水出桂阳郴县南山。又北 ,过其县之西。又北 ,过便县之西。又西北 ,过耒阳县之东。又北 ,过酃县东。北 ,入于湘。

洑 水

洑水出茶陵县上乡。西北 ,过其县西。又西北 ,过攸县南。又西北 ,过阴山县南。又西北 ,入于湘。

漉 水

漉水出醴陵县东漉山。西 ,过其县南 ,屈从县西。西北流 ,至漉浦 ,注入于湘。

浏 水

浏水出临湘县东南、刘阳县西北。过其县东北 ,与滂溪水合 ,西入于湘。

浞 水

浞水出豫章艾县西。过长沙罗县西。又西 ,累石山 ,入于湘水。

赣 水

赣水出豫章南野县。西北 ,过赣县东。又西北 ,过庐陵县西。又东北 ,过石阳县西。又东北 ,过汉平县南。又东北 ,过新淦县西。又北 ,过南昌县西。又北 ,过彭泽县西。北 ,入于江。

庐 水

庐江水山三天子都北。过彭泽县西 ,北入于江。

渐 江 水

渐江水出三天子都。北 ,过余杭东 ,入于海。

斤 江 水

斤江水出交阯龙编县东北。至郁林领方县 ,东注于郁。容容、夜、 、湛、乘、牛渚、须无、无濡、营进、皇无、地零、侵黎、无会、重濛、夫省、无变、由蒲、王都、融、勇外 ,此皆出日南郡西 ,东 ,东入于海。

山 泽

嵩高为中岳 ,在颍川阳城县西北。

泰山为东岳 ,在泰山博县西北。
霍山为南岳 ,在庐江 县西南。
华山为西岳 ,在弘农华阴县西南。
雷首山在河东蒲坂县东南。
砥柱在河东大阳县东河中。
王屋山在河东垣曲县东北也。
太行山在河内野王县西北。
恒山为北岳 ,在中山上曲阳县西北。
碣石山在辽西临渝县南水中也。
析城山在河东濩泽县西南。
太岳山在河东永安县。
壶中山在河东北屈县东。
南龙门山在河东皮氏县西。
梁山在冯翊夏阳县西北河上。
荆山在冯翊怀德县南。
岐山在扶风美阳县西北。
关山在扶风汧县之西也。
陇山、终南山、惇物山在扶风武功县西南也。
须山在陇西临洮县西南。
蟠冢山在陇西氐道县之南。
鸟鼠同穴山在陇西首阳县西南。
积石在陇西河关县西南。
都野泽在武威县东北。
合离山在酒泉会水县东北。
流沙地在张掖居延县东北。
三危山在敦煌县南。
朱圉山在水北冀县南。
岷山在蜀郡湔氐道西。
蟠冢山在弘农卢氏县南。
荆山在南郡临沮县东北。
内方山在江夏竟陵县东北。
大别山在庐江安丰县西南。
外方山 ,崧高是也。
桐柏山在南阳平氏县东南。
陪尾山在江夏安陆县东北。
衡山在长沙湘南县南。

九江地在长沙下 县西北 ,云梦泽在南郡华容县之东 ,东陵地在庐江金兰县西北 ,敷浅原地在豫章历陵县西南 ,彭蠡泽在豫章彭泽县北。中江在丹阳芜湖县南 ,东至会稽阳羡县 ,入于

海。震泽在吴县南五十里。北江在毗陵北界 ,东入于江。

峯阳山在下邳县之西。

羽山在东海祝其县南也。

陶丘在济阴定陶县之西南。

菏泽在定陶县东 ,雷泽在济阴成阳县西北 ,菏水在山阳湖陆县南 ,蒙山在太山蒙阴县西南 ,大野泽在山阳钜野县东北 ,大邳地在河南成皋县北。明都泽在梁郡睢阳县东北。益州沱水在蜀郡汶江县西南 ,其一在郫县西南 ,皆还入江。荆州沱水在南郡枝江县。三澨地之南在邛县之北。右《禹贡》山水泽地所在 ,凡六十。